

বর্জ্য ব্যবস্থাপনা (Waste Management)

Prof. Biswanath Nag
NSS (GENERAL)

SEM-IV , DSC-4

বর্জ্য ব্যবস্থাপনা বলতে আবর্জনা সংগ্রহ , পরিবহন (Transportation), প্রক্রিয়াজাতকরণ (Processing), পুনর্ব্যবহার (Recycling) এবং নিষ্কাশনের (Disposal) সমন্বিত প্রক্রিয়াকে বোঝায়। এই শব্দটি দিয়ে সাধারণত মানুষের কার্যকলাপে সৃষ্ট অপয়োজনীয় বস্তুসমূহ সংক্রান্ত কাজগুলোকে বুঝানো হয়ে থাকে। ঐ বস্তুগুলোর থেকে স্বাস্থ্য সংক্রান্ত ক্ষতিকারক প্রভাব প্রশমিত করার জন্য , কিংবা পরিবেশের সৌন্দর্য্য রক্ষার কাজগুলোই এই প্রক্রিয়াতে অন্তর্ভুক্ত হয়। এছাড়া আবর্জনা ব্যবস্থাপনার মাধ্যমে আবর্জনা থেকে পরিবেশের ক্ষতি রোধ করার কাজ এবং আবর্জনা থেকে পুনর্ব্যবহারযোগ্য বস্তু আহরণ সংক্রান্ত কাজও করা হয়ে থাকে। এতে ভিন্ন ভিন্ন পদ্ধতি এবং দক্ষতার দ্বারা কঠিন , তরল কিংবা বায়বীয় বর্জ্য সংক্রান্ত কাজ করা হয়।

উন্নত বা উন্নয়নশীল দেশভেদে , শহর বা গ্রাম্য এলাকাভেদে , আবাসিক বা শিল্প এলাকাভেদে আবর্জনা ব্যবস্থাপনার ধরণ আলাদা হয়। সাধারণত স্থানীয় বা পৌর কর্তৃপক্ষ আবাসিক বা প্রাতিষ্ঠানিক এলাকা থেকে উৎপন্ন অবিষাক্ত ময়লাসমূহের জন্য ব্যবস্থাপনা করে থাকেন। অপরপক্ষে বাণিজ্যিক বা শিল্প এলাকার অবিষাক্ত ময়লাগুলো ঐ ময়লা উৎপাদনকারীদেরকেই ব্যবস্থাপনা করতে হয়।

আবর্জনার প্রকারভেদ :-

আবর্জনার পরম শ্রেণীভেদ বলতে কিছুই নেই। নির্দিষ্ট উদ্দেশ্য ও প্রয়োজন অনুসারে ভিন্ন ভিন্ন ভাবে আবর্জনাকে শ্রেণীভেদ করা হয়। বেশিরভাগ ক্ষেত্রেই ময়লা সংগ্রহের সুবিধার্থে ময়লাকে এভাবে শ্রেণী বিভাগ করা হয় -

- * পৌর এলাকার আবর্জনা
- * বাণিজ্যিক এলাকার আবর্জনা
- * শিল্প এলাকার আবর্জনা

যেখানে শেষ গন্তব্যস্থল হিসাবে ময়লাকে মূলত মাটিচাপা দেওয়া হয়, সেখানে শ্রেণী বিভাগটা এইরকম -

- * পচনশীল
- * অপচনশীল

যে শহরে ময়লা পুড়ানো হয়, সেখানে শ্রেণী বিভাগটা এমন হতে পারে -

- * দহনযোগ্য
- * অদহনীয়
- * পূর্ণব্যবহারযোগ্য (প্লাস্টিক, খবরের কাগজ, কাচের বোতল, ধাতববস্তু)
- * অতিরিক্ত বড় ময়লা
- * ইলেক্ট্রনিক দ্রব্যাদি প্রভৃতি

বর্জ্য পদার্থের অসুবিধা :-

- * বাতাস দূষিত করে এবং রোগ জীবাণু ছড়ায়
- * জলকে দূষিত করে এবং রোগ জীবাণু ছড়ায়
- * মশা মাছির মাধ্যমে বর্জ্য পদার্থ খাবারকে দূষিত করে এবং রোগ জীবাণু ছড়ায়
- * পরিবেশ নোংরা করে
- * দুর্গন্ধ ছড়ায়
- * জীবানুর সংক্রমণে সহায়তা করে

বর্জ্য নিষ্কাশন :-

বিভিন্ন ভাবে বর্জ্য নিষ্কাশন করা হয় -

- ১) গর্ত করে বর্জ্য পদার্থ ফেলে গর্তের মুখ চাপা দিতে হবে ।
- ২) বিভিন্ন স্থান থেকে বর্জ্য পদার্থ সংগ্রহ করে নির্দিষ্ট স্থানে ফেলতে হবে এবং পরে পুড়িয়ে ফেলতে হবে ।
- ৩) নিচু স্থানে বর্জ্য পদার্থ ফেলে দীর্ঘদিন রাখতে হবে , একসময় এই বর্জ্য সার হিসাবে ব্যবহার করা যাবে ।
- ৪) কলকারখানার বর্জ্য জলে না ফেলে নির্দিষ্ট স্থানে জমা রেখে জীবাণুনাশক স্প্রে ব্যবহার করতে হবে এবং পরে সেগুলো সরিয়ে ফেলতে হবে ।

দেশের অধিকাংশ পৌর এলাকার বর্জ্য ব্যবস্থাপনা সেকেলে । রাস্তার পাশে ডাস্টবিনগুলো ময়লা আবর্জনায় উপচানো থাকে । তীব্র দুর্গন্ধ ছড়ায় , পরিবেশ নোংরা হয়ে থাকে । পৌর কর্তৃপক্ষ সেখান থেকে ময়লা সরিয়ে শহরের আশেপাশের খাল বা খানাখন্দে ফেলে রাখে । সেখান থেকে নতুন করে আরও বিশদ আকারে জীবাণু ও দুর্গন্ধ ছড়ায় ।

বর্জ্য নিয়ে দুটো কথা চালু আছে । প্রথমটি হল - আজকের বর্জ্য আগামীকালের সম্পদ । আর দ্বিতীয়টি হল আবর্জনাই নগদ অর্থ । তারই প্রমাণ পাওয়া যায় উন্নত দেশগুলিতে । উদাহরণ স্বরূপ সুইডেন ও নরওয়েতে বর্জ্য প্রক্রিয়াজাত করে ব্যবহারযোগ্য অন্য বস্তুতে রূপান্তরিত করা হচ্ছে এবং এই ব্যবসাটি সেখানে অত্যন্ত লাভজনক । তাই এই সার্বিক পরিস্থিতিতে বিশ্বের উন্নত দেশগুলোর মত ভারতবর্ষেও বর্জ্য ব্যবস্থাপনায় বিভিন্ন উদ্যোগ গ্রহন করা উচিত । বর্জ্য বা অপদ্রব্য সংশ্লিষ্ট প্রতিষ্ঠান কর্তৃক বর্জ্য সংরক্ষণ , নিরপেক্ষায়ন , নিক্ষেপকরণ অথবা প্রক্রিয়াজাতকরণ করে ব্যবহারের উপযোগী বিভিন্ন নতুন জিনিস বানানো উচিত । এতে যেমন পরিবেশ লাভবান হবে , তেমনি অর্থনৈতিকভাবে লাভবান হবে দেশের মানুষ ।